

Западн Германьд болсн парламентск суньгъвр

Германя Федеративн Республнкд сентябрин 15-д парламентд (бундестагт) суньгъвр болв. Берлинск „Трибуне“ газетин бичсәр болхла, суньгъврин өмн болн суньгъвр болхд чигн, западногерманск реакцин кесн „фашистрин авъясар иләр äмт хоралгън“ ил темдгтә йовдл болв. Германя Коммунистическ партиг уурулад. Западн Германиг эзджәх улс ягъад болв чигн йос гартан авч үлдх аргъан хәәцхәв. Эднә сәәгъинь хәәджәх христианск-демократическ союзин партъ (ХДС), эдниг харсхларн кесг зүсн мекгаргъв, суньгъачнрин бәәдл-джиргълинь ясх болдж худл келәд, тедниг әәлгъәд, харнъгъу әмтн дунд арсмч улсин йовдл гаргъад, тедниг меклдж хулддж авад, суньгъврин йос эвдцхәв. Западногерманск реакци шунмгъа кевәр США-н гардгч әмтн, мөнъг элвгәр гаргъдж өгәд, дөнъ болв. Ашднъ бундестагт христианск-демократическ союз 497 депутатск мандатмудас 270 мандат авад, залгч партъ гисн эврәннъ бәәрән хадгълв.

Германя социал-демократическ партин (СДПГ) төлә дуугъан өгсн суньгъврчнрин то өссн элдв, ик чинртә йовдл болв. СДПГ-н кандидатмудин төлә ду өгснъ 9,5 сай кун болв, суньгъврт орлцсн цуг суньгъачнрин гурвна кесн нег хув шахунь; 1953 джилә суньгъврла дунъгцүлхлә, СДПГ-н төлә ду өгсн улсин тонь гурвн

процент шаху өсв.

Немецк кесг оли газетмун темдгллгъәр болхла, суньгъврин дигнъ, Западн Германьд ХДС-н политиклә эс тааслцлгън өсджәхиг герчллгън болджана.

Болв, голлгчдан, Западн Германьд болсн суньгъврин ашнъ парламентск чидл эн цагт дала ик ончта кевәр хуврсн уга гидж медүлджәнә.

Социал-демократическ партъ бундестагт гурвна кеснә нег хувәснъ үлү орм авсн йовдл — суньгъврин ил чинртә дигнъ болджана. Иим болсар, эднәс зөвшәл угагъар Аденауэрин залгч партъ, кесгәс нааран өмнән тәвджәсн ФРГ-на конституциг хуврүлхәр седджәсн санан-седклән күңәдж чалшго мөн.

Берлинск „Форвертес“ газетин бичсәр болхла, суньгъврин ашднъ Западн Германя йоснд үлдсн чидл „нарт делкән бәәдлиг улм әәмшгтәгъәр бәәлгъх политиктә; Германиг зааглдж әнъглхиг улм гүүдүлх, Западн Германиг атомн селмин бәәр кехәр бәәх улс болджана. Болв вемш оли-әмтн энүнлә эвцшго, өдгә цагт эрки төр болдж зогсхнъ — өшәтирин чидлин өмнәс ноолда чанъгъахд германя көдлмшч классин эв-аргъиг негдүлдж, улм ницх төр гидж газет батлдж темдглв.

А. ШАХАНОВ.

Цаг зуурин редактор Б. ДОРДЖИЕВ.